


बच्चन के ले बाइबिल देत है



सितमगर से उपदेशक



द्वारा लिखत: Edward Hughes

द्वारा चित्र: Janie Forest
Alastair Paterson


द्वारा अनुकूल: Ruth Klassen

द्वारा अनुवाद करो गयो:

द्वारा बनाओ: Bible for Children
www.M1914.org

©2024 Bible for Children, Inc.
लाइसेंस: तुमई जा कहानी को पात्रिका या छापन को अधिकार है,
जब तक तुम जाई बेचत नाइ हो।

1




परमेश्वर ने आरम्भ की कलीसिया
मा लोगन के द्वारा बड़े बड़े काम
करे हते। फिलिप्पुस नाउ को एकु
आदिमी भीर भार वाले नगर मा
लोगन कौ यीशु के बारे मा
बताऊँन मा लगो हतो।

लेकिन परमेश्वर ने
बाई रेतीली जगह
मा पठाओ, काये?


2

परमेश्वर जान्त हते कि बा रेतीली जगह मा एक मुसफिरु हई, जो इथोपिया की रानी कन्दाके को एक शासक हई। बउ अपने घर के रत्ता मा एक खास किताब पढति भौ जाति हतो। बा कौनसी किताब हती, का तुम अंदाजा लगाई सकत हउ?




3

फिलिप्पुस ने परमेश्वर को हुकुमु मानो; परमेश्वर बाई सीधे बा शासक तीर लइ गए जो बिना समुझे किताब कौ पढति हतो। बाने फिलिप्पुस का अपने संग मा आउन के लै बुलाओ।



4

“जा को मतलबु का हई?” शासक ने फिलिप्पुस से पूछी। जैसेइ रथु रेतीली रत्ता पर झटका दई के आगे कौ बढो, अउरु फिलिप्पुस ने अपनों मुन्ह खोलि के पवित्रशास्त्र मासे यीशु के बारे मा बोलन लगो।




5

अफ्रीकी शासक ने जल्दअई बाइबिल के समाचार पर भरोसो करो अउरु मानि लो की यीशु मसीह ही परमेश्वर को लडिका हई। कुछु पानी कौ देखि के, बाने कही, “अब हमइं बसिस्मा लेंन से कौन रोकि सकति हई?”




6

फिलिप्पुस ने कही, “अगर तुम अपने पूरे मन से भरोसो कत हउ, तऊ लइ सकत हउ।” शासक ने जबाबु दो, “हम भरोसो कत हईं कि यीशु मसीह ही परमेश्वर के लडिका हईं,” फिलिप्पुस बाई पानी के तीर लई गये अउरु बाई बसिस्मा दइ दौ।




7

बइ जब पानी से बहिरारि आये, प्रभु को आत्मा फिलिप्पुस कौ उठाई लई गओ, जा के मारे अफ्रीकी शासक ने बाई जादा देर तक देखि नाइ पओ। बउ खुशी के संग मा इथोपिया कौ लौटि गओ।



8

लेकिन कुछ लोग मसीही लोगन से नफरति कत्त हते। स्तिफनुस, फिलिप्पुस के दोस्तन मा से एक कौ गुस्साए लोगन ने जान से मारि डारो हतो, क्योंकि बउ यीशु के बारे मा बताउति हतो। तरसुस वासी शाउल नाउ के एक आदिमी ने स्तिफनुस कौ मान्न मा मदति करी हती। शाउल सबइ मसीही लोगन से नफरति कत्ति हतो।




9

शाउल, मसीही लोगन के बिरोध मा धमकी अउरु हत्या कन्न की धुनि मा हतो, महायाजक के तीर गओ अउरु बाई आदिमिन अउरु अउरुतन कौ जो यीशु के पीछे चलत हते उनकउ पकरिवे की चिट्ठी मिली।




10

तरसुस को बिचारो शाउल! जा नाई जांति हतो कि जब बउ परमेश्वर के लोगन कौ जखमी कत्ति हतो, बउ हकीकति मा प्रभु यीशु कौ दरदु देति हतो। परमेश्वर कौ शाउल कौ रुकिवेई हतो। लेकिन कैसे?




11

परमेश्वर ने शाउल कौ अपने नियंत्रण मा करि लो। जब शाउल दमिश्क नगर के रत्ता पर हतो, परमेश्वर ने स्वर्ग से एक महान उजिते कौ पठौ। तबहीं शाउल धत्ती पर गिरि परो। फिरि बाने एक आवाज़ सुनी।




12

शाउल के संग मा के आदिमिन नेउ जा आवाज सुनी हती, लेकिन उन लोगन कौ कुछु दिखानो नाइ हतो। शाउल धत्ती पत्ते उठो - अउरु अपने आपु कौ अन्धो पाओ। बई लोग बाई दमिश्क मा लई गए।



13

“हे प्रभु, तुम कौन हउ?” शाउल चिल्लाई परो। “अउर आवाज आई हम यीशु हई, जिस कौ तू सताउति हई।” कंप-कपाति भै अउरु अचरजु कत्त भै, शाउल ने कही, “हे प्रभु, तुम हमसे का चान्हत हउ?” अउरु तब प्रभु ने बासे कही, “उठु अउरु नगर मा जाउ, तुमई होनई बताई दई जइही कि तुमई का करिवे हई।”




14

बा नगर मा, शाउल तीन दिन तक अन्धो हतो, अउरु ना कुछु खाओ अउरु ना कुछु पिओ। शायिति बउ प्रभु यीशु से दुआ मा अपनों समउ बिताई रहो हतो जो दमिश्क के रत्ता मा मिलो हतो।




15

परमेश्वर के तीर सब कामन की योजना हइ। दमिश्क मा एकु हनन्याह नाउ को एकु चेला हतो। प्रभु ने बाई शाउल की मदति कन्न के लै पठौ हतो। हनन्याह डराई गओ हतो। लेकिन बाने परमेश्वर की बात मानी। जब बाने शाउल के ऊपर हाँथु धरो, तब बाको अन्धोपन चलो गओ हतो - अउरु शाउल परमेश्वर की पवित्र आत्मा से भरी गओ हतो।




16

शाउल कौ बमिस्मा दओ गओ। तब बाने खाओ। जब बाने खाई पी लो, तब बाई तागति मिलि गयी। शाउल कौ तागति की जरूरति हती। बाई बहुत जरूरी कामु करिवे हतो।




17

तुरंतई शाउल ने मंदिरन मा मसीह को परचारु करो कि प्रभु यीशु ही परमेश्वर को लडिका हइ। जितेन्न ने सुनी बई सब चक्कर मा परे हते, अउरु कहन लगे "कि का जऊ बहे नाइ हइ जो मसीही लोगन कौ खतमु कति हतो?" अउरु कुछु ने तऊ शाउल कौ मारन की शाजिशउ रची हती।



18

शाउल के नए दुश्मन शाउल कौ मान्न के लै नगर के दरबाजेन पर हते, कि बउ नगर का छोडि के भाजन की कोशति ना करइ। लेकिनि बाके नए मसीही दोस्तन ने, राति मा बाई एक बडी डलिया मा धरिके दिवाल के सहारे बाई नीचे उतारि दौ। अउरु तब से, शाउल मसीहियों पर जुल्म सितम कन्न बालो अपने नए स्वामी, प्रभु यीशु मसीह कौ एक विश्वास पात्र चेला के रूप मा अपनी जिंदिगी बिताऊन लगो हतो।



19

सितमगर से उपदेशक

परमेश्वर के वच्चन से बाइबिल की एक कहानी

में पायी जाती है

प्रेरितों के काम 8-9

"तुमहोर शब्द के प्रवेश से रोशनी मिलत है।"

भजन ११९:१३०

20

समाप्त

58



60

21

जो बाइबिल काहानी हमई हमारे अद्भुत परमेश्वर के बारे माँ बताउती जिनने हमई बनाओ और जो तुमोह उन्हेई जानो।

परमेश्वर जान्त है हमने बुरे काम करे हैं, जिहने वे पाप कहात हैं। पाप की सजा मृत्यु है, लेकिन परमेश्वर प्रेम करते हैं जिन्ने अपनों इक लौतों पुत्र यीशु को भेज दौ, क्रूस पर मरन के लें तुम्हरे पापों के लें दण्डित भये। फिर येसु जीवन मां वापस आई गये और स्वर्ग के घर मां चले गये! अगर तुम यीशु पर विस्वास करत हउ और अपने पापों की छमा मागन के लें उनसे पूछत हो, तो वह ऐसो करी! वो अइ और वोह तुम्हारे संग रही और तुम हमेशा उसके संग जीवित रहीओ।

अगर तुम्हे लगत हइ की जा सच हई तौ जा परमेश्वर से कहः
प्यारे यीशु, हमे विश्वास हइ की तुम इश्वर हो और हमारे पापों के लें मरन वाले व्यक्ति बनी गये हो और अब फिरसे जी उठे हो। कृपया हमारे जीवन म आई के हमारे पापों को छमा कर देओ। ताकि हमारो जीवन नओ हई सके।
और एक दिन तुम्हारे संग हमेशा के लें बने रहे। हमें आज्ञाकारी बनन के लें और तुम्हारी संतान बनन केलिए मदत करो।

बाइबिल पढे और हर एक दिन परमेश्वरी से बातें कराओ! यूहना ३:१६

22